



Vita de ploania y de paisc

Guldenomts: uniuns y grups pó s'aposté en Guldenomt **cina ai 11 de november** pa Brigitte Pezzei. Al ven ince perié che porsones y grups se meti a disposiziun por abelí musicalmonter i Guldenomts. Chi co ess enteres da soné o cianté pa n Rorate é peries da se lascé adentene, ince cina ai 11 de november, pa Brigitte, ☎ 338 9316650.



enformaziuns y termins

Preparaziun al Bato: l'Uniun dles Eres Catoliches dal decanat envieia düc i geniturs co á na creatöra da bacé, pers co aspeta, toc y totes, ala preparaziun dal Bato en **sabeda ai 10 de november** dales 15:00 ales 17:00, tal salf del calogna a **San Ciascian**. Prenotaziuns, ☎ 0471 849372.

Gran Chidlada en domegna ai 11 de november ta Runcac, con scudres da 4 porsones; por uniuns, dites, istituziuns, classes y clubs dal comun de Mareo. Les iscriziuns ven tutes sö tla Ostaria da Runcac (☎ 0474 501068) y costa 60,00 € a squadra, da paí danfora. Al é da dé dant ennom dla uniun y dai partezipanc, y ann de nasciüda. Le davagn jará eniann por le Cor de Dlijia d'Al Plan.

Scora por geniturs: le ZFM met a jí la secunda pert dla "Elternschule" - scora por geniturs co trata de mituns tal eté dai 6 ai 10 agn, 3 serades de enformaziun con Dr. Mayr Margarethe. Pröma sera dedolönesc ai 06 de november, "Le monn dal möt/a tal eté dai 6 ai 10 agn"; secunda sera dedolönesc ai 13 de november, "Le compit de nos geniturs"; terza sera dedolönesc ai 20 de november, "Gestiun dal raport dai geniturs", dagnora dales 20:00 ales 21:30 tal salf dla Ploania d'Al Plan. Da se scrí ete anter i 4 de november pa Helga Rubatscher, ☎ 333 2181049.

Sorvisc ai Jogn: le SaJ lascia alessei che deratan l'edema da Gnissant (dal lönesc 29 d'otober ala jöbia 1 de november) anse stlüt l'ufize y i locai dai jogn fora por i paisc. Le zenter dla joneza y dla cultura Saj.un a La lla restará davert.

Barantli: en lönesc ai 29 d'otober él i paurs de Mareo co dá fora barantli, tla plaza sora la nodadoia d'Al Plan. Chi co n'ó, pó jí a s'an dô. Al sará da paí val'.

Ocio: le dotur Edo Agreiter lascia alessei che al é demez dai 5 cina ai 8 de november da misdé. Al ven sostituí dla doturia Mahlkecht, ☎ 349 0667034.

Beac messunse gní deboriada. I messun roé deboriada da Chelbeldio, i messun jí deboriada dan da d'El. I ne desson nia encunté Chelbeldio önn zonza l'ater. Ci dijessel mo mai sc'i roasson zoruch da d'El önn zonza l'ater?

Carles Péguay

Döt le bun a: Maria Pedevilla, Bornech * 31.10.1935
Carlo Feichter * 01.11.1943
Maria Creszenza Baldissera Malatesta, Lucca * 03.11.1932
Stefania Pedevilla, Bornech * 03.11.1937
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

28.10.2018 - 30. domegna ia por l'ann

n. 48

Nosc salvatur Gejú Crist ti á tut la potenza ala mort y nes á porté la löm dla vita tres le vangelo. Alleluia.

☞ Ier. 31, 7–9 | Ebr 5, 1–6 | Mc 10, 46–52

Dal Vangelo do San Merch:

Te chel tomp ⁴⁶canche Gejú â lascé lerico con sü discepui y con na gran meja de jont, êl n petler verc sonté sön ur de strada, Bartiméus, le fi de Timéus. ⁴⁷Pornanch'al â aldí, ch'al ea danló Gejú da Názaret, ál motü man da scraie dadalt: Fi de Davíde, Gejú, menete picé de me! ⁴⁸Trec le bruntorâ ch'al dea scuté. Mo al scraia ciamó plü dassenn: Fi de Davíde, menete picé de me! ⁴⁹Gejú é sté chit y á dit: Cherdédele ca! Ai á cherdé le verc y ti á dit: Ais coraje, lea sö, al te cherda. ⁵⁰Danló ál sciüré demez so mantel, é salté sö y ti é jü pormez a Gejú. ⁵¹Gejú l'á damané: Ci dessi pa fa por te? Le verc á respognü: Rabuni, ch'i pois endô odei. ⁵²Danló ti á Gejú dit: Va! Töa fede t'á salvé. Te chel momont ál endô odü, y al ti é jü do a Gejú sön so tru.

Oraziun dal de

Periun! Dio onipotent y etern, aumeteia te nos la fede, la speranza y l'amur: dassa la grazia de aprié ci che tö comanes, ch'i arjunjuse ince ci che t'as empormetü.

Do cösc te periunse por nosc Signur Gejú Crist, to Fi, co é Dio y vir y regnea con te t'unité dal Spirit Sant por düc i secui dai secui. – Amen.

(Lezionar B)



☞ Letöres dla 31. domegna ia por l'ann:

Deut 6, 2–6 | Ebr 7, 23–28 | Mc 12, 28b–34

Edema liturgica dai 28.10. ai 04.11.2018

DOM 28.	30. domegna ia por l'ann FESTA DE RENGRAZIAMONT DAI FRÜC Y DLES GRAZIES	<i>Sciimun y lüda Tadeus, apostui, Alfred le Gran</i> <i>oferta por i debojügn dla ploania</i>
08:30 ora normala	gran messa por döta la ploania adoraziun eucaristica de ringraziamont	♫ La Musiga
Lön 29.	<i>Feruzio, Narzisius, Ermelinda</i>	
Ded 30.	<i>Bernhard, Alfons</i>	
07:30	s.m. por † Verbene Pedevilla, Soröa s.m. por † Massimo Topran Cutin, La Pli s.m. por † Anna Maneschg ved. Agreiter, Alnei	
→ 08:00	pissia por i scolars dla elementara y mesana	
Dem 31.	<i>Wolfgang, Iuta, Notburga</i>	
Jöb 01.	GRAN FESTA DE GNISSANT , <i>Harald, Rupert</i>	
08:30	gran messa ciantada ad onú de düc i Sanc por la ploania ♫ J. Haydn, "Kleine Orgelsolomesse" → <i>oferta por l'Uniun de San Vinzenz</i>	
14:00	espi da festa, funziun por nüsc morc con benedisciun dles cianderes y prozesciun fora en cortina	
→ 17:00	les ciampanes s'envieia a perié por i morc, le rosare, tles ciases	
Ven 02.	DÉ DLES ARMES , <i>Angela, Tobia</i>	→ <i>oferta por le sorvisc de cortina</i>
08:30	s.m. por † Maria Rubatscher ved. Crazzolara, La Sala s.m. por † Angelo Ploner, Flô/Al Plan s.m. por † Reinhold Senoner, Santa Cristina s.m. por les Animes plü desmonciades prozesciun fora en cortina y funziun por nüsc morc	
Sab 03.	<i>Sabeda de Santa Maria Hubert, Martin da Porres, Silvia</i>	
07:30	s.m. por † Maria Willeit, Ansele/Balsan s.m. por † Carlo Erlacher, Craizer s.m. por † Pasquale Winkler, Rara (messes tomades fora ai 20.10.) s.m. por † Jep Palfrader, Mone s.m. por † Jep Konrater y Trebo Tone, Biei	
DOM 04.	31. domegna ia por l'ann Domegna dles Animes - De dai Tomés	<i>Carlo Borromeo, Reinhard</i>
08:30	gran messa por döta la ploania y por i tomés y pordüs te vera comemoraziun te cortina <i>oferta por i debojügn dla ploania</i>	
<i>ampola:</i>	por † Paola Brandlechner	
<i>ministronc:</i>	▶ da doman y domegna: Andreas Burchia y Maria Erhard ▶ da sera y domegna: Pire Ellecosta y Samuel Rigo	
<i>i recordun:</i>	Rosa Obojes Erbisti, Lungiarü	+ 31.10.2012



Rabuni, fá ch'i veighi endô! (Mc 10, 46–52)

I ponsi do

La löm é simbol dla fede y la fede é na löm tlera por les cosses dla vita y de Dio: *eco la gran scincunda che Gejú ti porta al'umanité. I sun düc desco porsones verces. Le der miraco da damané y se perié de ca é le pordonn de Chelbeldio; cösc podunse fá con l'invocaziun: "Gejú, áis pieté de mé!"*

I preii ensciö

Canch'i aldi de bortes noéles de vera y de violenza, co fej la porsona vercia dal senn y dal rio, te invocheii: "Gejú, áis pieté d'l'umanité!" Canch' i sonti encer me ia envidies y gelosies co disturba raporc danter les porsones, te preii: "Gejú, áis pieté de nos!" Vigne iade ch'i sonti te mio cör le ciarü d'l'endiferonza y dla superfizialité co desdrüj ligreza y entusiasms, te damani: "Gejú, áis pieté de me!" Canch'i sun verc, zonga de ligreza y contenteza, sön nüsc trus scraiuense: "Fi de Davide, áis pieté de nos!", y i te periu: ascutesse y scinchi endô le lominus a nosc cör.

Walter Cazzaniga, Parola amica – Il Vangelo della domenica per ragazzi



Dasse encö nosc pan da vignedé

**Signur,
nos te periu:
mena jö töa
benedisciun
sön nos
y sön la speisa
ch'i tolu.
Amen**



DAS TISCHGEBET: DER TÄGLICHE ERNTEDANK

**Bun Dio,
i án sen mangé
y i n'orun nia
se desmoncé
da te dí
de cör iolan:
döt le ben
ven da töa man.
Amen.**



I se recordun de nüsc morc da Gniissant 2017 a Gniissant 2018

a La Pli:	Jep Rovara, Aroth/Plans	21.11.2017 (82)
	Margareth (Eta) Baldissera, Roje	28.12.2017 (73)
	Maria Rubatscher ved. Crazzolara, La Sala	22.07.2018 (86)
	Paola Brandlechner, Gosser	01.08.2018 (92)
	Maria Rosa Maneschg Willeit, Sach	18.10.2018 (70)
foradeca:	Otto Paul Erlacher, Plaza/Bornech	15.11.2017 (82)
	Angela Erlacher ved. Terrabona, Tomele/Al Plan	08.03.2018 (75)
	Maria Ellecosta Brunner, Lüchesc/Valdaora	06.06.2018 (52)
	Berta Trebo ved. Weizenegger, Soratrú/Bregenz	08.08.2018 (94)
	Angelo Ploner, Flo/Al Plan	09.08.2018 (68)
	Maria Fiung Rives, Longega/San Martin	15.08.2018 (81)
	Marta Rubatscher ved. Erlacher, Longega/Al Plan	09.09.2018 (86)



La vita eterna dá, Signur, y conforti con to lominús, ai palsi tla pêsc.